

Vischnaunca da Trun



Lescha davart il parcar sin intschess communal da Trun

2026

C U N T E N T

I. Determinaziuns generalas

pagina

Art. 1	En general	3
Art. 2	Definiziun	3
Art. 3	Concept da parcar	3

II. Parcar sin intschess communal - diever

Art. 4	Parcadis publics – determinaziuns	3
Art. 5	Parcadis publics – scamonds e limitaziuns	4
Art. 6	Parcar ordeifer ils parcadis publics	4

III. Lubientschas e taxas pils parcadis publics

Art. 7	Parcar	4
Art. 8	Determinaziuns pils parcadis	4
Art. 9	Lubientscha da parcar permanenta	4
Art. 10	Taxas	5
Art. 11	Diever dallas taxas	5
Art. 12	Responsabladad	5

IV. Determinaziuns finalas

Art. 13	Execuziun	6
Art. 14	Mieds legals	6
Art. 15	Disposiziuns penalas	6
Art. 16	Entrada en vigur ed abrogaziun dil dretg vertent	6

I. Determinaziuns generalas

Art. 1

En general Questa lescha regla igl uorden da parcar sin areals publics e sin igl ulteriur terren dalla vischnaunca da Trun.

Art. 2

Definiziun Sco parcadis publics sin terren communal valan ils loghens da parcar per vehichels a motor signalisai, ils quals ein en possess ni en dretg d'utilisaziun dalla vischnaunca da Trun ed accessibels per la publicitad.

Art. 3

Concept da parcar ¹ La suprastanza communal ha elavurau in concept da parcar per la vischnaunca da Trun.

² Il concept vala sco basa fundamentala per il relasch da questa lescha e dall'ordinaziun.

II. Parcar sin intschess communal – diever

Art. 4

Parcadis publics - determinaziuns ¹ Sin igl entir territori dalla vischnaunca eis ei da principi lubiu sulettamein da parcar sin areals ch'ei signalisai sco parcadis publics.

² Las categorias dils parcadis publics e las determinaziuns valeivlas per tals vegnan definai en ina ordinaziun.

³ En cass specials, per exempel a caschun d'occurrenz, sa la suprastanza communal adattar ni cumpletar las determinaziuns da parcar temporarmein sco era schar a tscheins parcadis.

⁴ Priu il cass che descargadas da marcanzia, survetschs da servis e lavurs da construcziun ein sulettamein pusseivlas naven d'ordeifer ils parcadis signalisai, ei l'administraziun communal legitimada da conceder ina lubientscha da parcar ordeifer ils parcadis signalisai.

⁵ La suprastanza communal ei legitimada da definir temporarmein ulteriurs parcadis publics sin terren communal.

Art. 5

Parcadis publics
– scamonds e
limitaziuns

¹ Igl ei lubiu da parcar sin ils parcadis publics mo vehichels a motor cun ina peisa maximala da 3'500 kg (*levs vehichels a motor*), vehichels lev, vehichels pigns e vehichels a motor cun treis rodas el senn dall'Ordinaziun federala davart las pretensiuns tecnicas a vehichels stradals.

² Il parcar a liunga vesta (sur 24 uras) d'auters vehichels a motor, da rulottas, cars annexs, maschinas agricolas e semeglientas maschinas sin parcadis publics ei scumandau. Il medem vala per vehichels buca immatriculai ni senza numera. Tier cass specials sa la suprastanza communal conceder lubientschas excepziunalas.

³ Gronds bus, camiuns, vehichels e maschinas da baghegiar eis ei lubiu da parcar sulettamein sin parcadis publics ch'ei signalisai per quei diever. La suprastanza communal sa conceder lubientschas excepziunalas per parcar quels vehichels en auters loghens.

Art. 6

Parcar ordeifer ils
parcadis publics

¹ Sin terren communal enteifer ils vitgs (zona cun scamond da parcar) eis ei lubiu sulettamein da parcar sin parcadis publics.

² Ordeifer ils vitgs eis ei lubiu da parcar temporarmein sin terren communal. Il vehichel astga buca impedir l'agricultura, il menaschi communal ed igl ulteriur traffic.

III. Lubientschas e taxas pils parcadis publics**Art. 7**

Parcar

Sils parcadis publics eis ei pusseivel da parcar cun pagar ina taxa ni cun lubientscha permanenta.

Art. 8

Determinaziuns
pils parcadis

Las differentas determinaziuns pils parcadis ein regladas ell'ordinaziun correspondent.

Art. 9

Lubientscha da
parcar
permanent

¹ Scadina possessura e scadin possessur d'auto domiciliaus en vischnaunca che sa buca satisfar a sia obligaziun da procurar per il plaz da parcar sin agen terren, sco era tuts proprietaris da casas ed implonts che disponan buca dil spazi da parcadi previus tenor la lescha da baghegiar ni che san far diever dad els mo durant ina part digl onn, san cumprar ina lubientscha per parcar permanentamein (*lubientscha digl onn*) sils parcadis publics, priu il cass che avunda parcadis ein disponibels.

² Sper las gruppas tenor alinea 1 da quest artechel han medemamein tuttas ulteriuras persunas la pusseivladad da cumprar ina lubientscha per parcar permanentamein sin il spazi giavischau, priu il cass che avunda parcadis ein disponibels (emprema prioritad han persunas tenor alinea 1).

³ Per mintga lubientscha sa vegnir indicau maximalmein duas numeras da vehichels. Ei astga denton buca vegnir parcau omisdus vehichels il medem mument sin in parcadi public. La lubientscha ei buca transmissibla e vala per parcar sin in plaz dessignau senza il dretg sin in plaz specific.

Art. 10

Taxas

¹ La taxa pil diever dils parcadis vegn incassada suenter la spiraziun dil temps da parcar gratuit. Ella schai denter frs. 0.40 e frs. 1.00 l'ura. Ina reducziun dalla taxa suenter in cert temps da parcar ei lubida.

² Las taxas pil diever permanent dils parcadis cun ina lubientscha (art. 9) muntan à:

- a) taxa dall'jamna frs. 30.00 – frs. 50.00
- b) taxa dil meins frs. 50.00 – frs. 100.00
- c) taxa digl onn frs. 300.00 – frs. 600.00

³ Menaschis da commerci retscheivan ina reducziun da 50% sin la taxa pil diever permanent (carta digl onn).

⁴ La taxa per ina lubientscha excepziunala (art. 5 alinea 2 e 3) sedrezza tenor alinea 2 da quest artechel.

⁵ La taxa da diever dils parcadis (art. 4) munta denter frs. 5.00 e frs. 7.00 per di.

⁶ Las differentas taxas da parcar ella rama da quest artechel vegnan fixadas ell'ordinaziun correspondentia.

Art. 11

Diever dallas taxas

Las entradas ord las taxas da parcar vegnan impundidas pil manteniment dils parcadis, per las controllas e las ulteriuras lavurs en connex cun l'administraziun dils parcadis.

Art. 12

Responsabladad

La vischnaunca da Trun surpren negina responsabladad per donns caschunai vid vehichels ch'ei parcai sin parcadis publics e sin ulteriur terren communal ni per enguladetschs da tals vehichels.

IV. Determinaziuns finalas

Art. 13

Execuziun

¹ L'execuziun da questa lescha cumpeta alla suprapstunza communal, medemamein las controllas necessarias. Ella sa delegar quella cumpetenza a funcziunaris communal ni a tiarzas persunas.

² Las determinaziuns per l'execuziun da questa lescha vegnan stipuladas en l'ordinaziun.

Art. 14

Mieds legals

Encunter disposiziuns dalla suprapstunza communal sin fundament da questa lescha e l'ordinaziun sa ei vegnir recurriu a scret enteifer 30 dis dapi la communicaziun tier la Dertgira aulta dil cantun.

Art. 15

Disposiziuns penalas

¹ Las differentas multas per surpassaments da questa lescha e l'altezia da quellas sco era ils cuosts resultonts che san vegnir adossai als inculpaders vegnan fixai en l'ordinaziun. Ei sa vegnir fixau multas tochen frs. 500.-.

² Ils funcziunaris communal ni tiarzas persunas ch'ei autorisadas d'incassar la multa vegnan definai entras la suprapstunza communal.

³ Resalvadas restan las prescripziuns dil dretg surordinau, en special las sancziuns da surpassaments dallas reglas dil traffic tenor la lescha federala davart il traffic sin via.

Art. 16

Entrada en vigur ed abrogaziun dil dretg vertent

¹ Questa lescha ei vegnida approvada dalla votaziun all'urna dils 30-11-2025 e passa en vigur sin igl 1. da schaner 2026.

² Cun l'entrada en vigur dalla presenta lescha vegnan la lescha davart il parcar sin territori communal digl onn 2017 e tut ils conclus dalla vischnaunca ch'ei cuntradictorics a questa lescha abrogai.

Suprapstunza communal Trun



Il president
Dumeni Tomaschett



La actuara
Sandra Gautschi